



Uunga
Inatsisartunut ilaasortaq,
Justus Hansen
Demokraatit

Tarnikkut napparsimasut pillugit § 37 naapertorlugu apeqqutip nr. 291-2018-ip akineqarnera

Asasara Justus Hansen

Qujanaq apeqqutinnut. Apeqqutigineqartut akinissaannut ilanngussassanik Justitsministeeriaqarfimmut piniartoqarsimavoq. Tullinnguuttuni apeqqutitut ataasiakkaanut Justitsministeeriaqarfiup akissutai atuarsinnaavatit.

1. Naalakkersuisut oqaatigisinnaanerlugu inuit tarnikkut nappaatillit pinerluttuliortarnerat alliarternersoq? Kissaatigaara akissut kisitsisinik takussutissanik ilaqartinneqassasoq, ukiut qulit kingulliit ingerlanerini kisitsisit assersuussinnaajumallugit.

Apeqqutit akinissaat pillugu ilanngussanik makkuninnga Justitsministeeriaqarfim-meersunik Naalakkersuisoqarfik tigusaqarsimavoq:

"Apeqqutitut 1 aamma 2-mut tunngatillugu Kalaallit Nunaanni Politiit paasissutissiipput, paasissutissanik politiit sulianik suliarinnittarfianneersunik, Kalaallit Nunaanni tarnikkut nappaatillit akornanni pinerluttuliornerit qanoq amerlatigineritut pisariaqartunik takussutissiisinnaasunik pissarsiniarnissaq periarfissaanngitsoq.

Taamaattoq Kalaallit Nunaanni Politiit nalilerpaat pinerluttuliornerit Kalaallit Nunaanni tarnikkut napparsimasut pinerluutigisimasaat amerliartulersimasut.

Justitsministeeriaqarfiup ilanngullugu paasissutissiissutigisinnaavaa Justitsministeeriaqarfiup Forskningskontoriata ukiumoortumik Danmarkimi pineqaatissiissutit pillugit eqqartuussinerit amerlassusii pillugit ineriartorneq pillugu allakkiamik saqqummersitsisartoq. Allakkiami ilaatigut tarnikkut napparsimasut pillugit ineriartorneq immikkut nassuiaaffigineqarpoq.

Naatsorsueqqissaartarfimmit paasissutissat pissarsiarineqarsinnaasut tunngavigalugit allakkiamik assingusumik Kalaallit Nunaannut tunngasumik erniinnartumik suliaqassalluni periarfissaqanngitsoq paasinarsivoq."

25-01-2019
Suliap nr. 2018 - 23771
Akt. id. 9782428

Postboks 260
3900 Nuuk
Oqarasuaat (+299) 34 50 00
Naqitanik nassitsigassuaat +299
34 66 66
E-mail: lian@nanoq.gl
www.naalakkersuisut.gl

2. Naalackersuisut oqaatiginnaanerlugu inunnut ulorianartorsiortitsisumik pinerluttuliortarnerit soorlu tarnimikkut nappaatillit tillinniartarnerat ingatsikkiartornersoq?

Siuliani akissutigineqartut takukkit.

3. Naalackersuisut oqaatiginnaanerlugu sooq tarnimikkut nappaatillit pinerluttarnerat taama isikkoqarnerisooq?

Apeqqutigineqartup matuma akinissaanut ilanngussanik Justitsministeeriaqarfim-meersunik naalackersuisoqarfik imaattunik tigusaqarsimavoq:

"Apeqqut 3-mut tunngatillugu Kalaallit Nunaanni Politiit paasissutissiipput taamatut amerliartortoqarnera unnerluussap pisariaqarfiatigut eqqarsartaatsikkut misissuiffigineqartarnissaata annerusumik soqutigineqalenera pissutaasin-naasoq.

Justitsministeeriaqarfiup ilanngullugu paasissutissiissutigissavaa Kalaallit Nunaanni Politiit eqqarsartaatsikkut misissuinerit aamma inunnut tarnikkut napparsimasunut nalunaaruteqartarnerit suliarinissaannut tamakkiisumik ingerlatsisoqalernissaanut periarfissat pillugit Kalaallit Nunaanni peqqinnissaqarfimmik oqaloqateqartuurtuummata, taamaaliornikkut tarnikkut napparsimasut pinerluuteqarsimasut sukkanerusumik katsorsarneqar-sinnaalissammata"

4. Suliniutit suut Naalackersuisut aallartinniarpaat tarnimikkut napparsimasut siunissami pinerluttuliortarnerat pinaveersaartinniarlugu?

Apeqqutigineqartup akinissaanut Peqqissutsimut Naalackersuisoqarfimmiit ilanngussassamik imaattumik naalackersuisoqarfik tigusaqarsimavoq:

"Peqqissutsimut Naalackersuisoqarfiup aamma Peqqissutsimut Pitsaaliuinernullu Aqutsisoqarfiup paasissutissiissutigissavaat suliaasaqarfiit assigiinngitsunik suliallit akornanni suleqatigiinnerisigut napparsimasut pineqartut amerliartornissaasa qanoq iliurluni pinaveersaartinnissaanut sulissuteqartoqarsinnaanersoq Peqqinnissaqarfiup misissorniarpaa. Sulialli sivirusumik suliarinissaa naatsorsuutigisariaqassaaq, tamatumani nukissat pissarsiarineqarsinnaasut apeqqutaassapput – peqqinnissaqarfimmiinnaan-gitsoq, kisiannili aamma isumaginninnikkut kommuninilu suliffeqarfinni."

5. Naalackersuisut pilersaarutiginerlugu tarnimikkut napparsimasut pinerluttuliortartut katsorsarnissaat pillugu naalagaaffimmik suleqateqarniarlutik, siunertarlugu siunissami pinerluttuliortarnerit peqqinnginnissaat?

Apeqqutigineqartup akinissaanut Peqqissutsimut Naalackersuisoqarfimmiit ilanngussassamik imaattumik naalackersuisoqarfik tigusaqarsimavoq:

"Naalackersuisut suleqatigiiffiusinnaasunik innuttaasunut isumalinnik iluaqutaasinnaasunillu aallartitsissallutik piareersimapput.

6. Naalackersuisut suliamut tunngatillugu allanik soqutiginarsinnaasunik nalunaarutissaqarpat?

Naalackersuisut allanik ilanngussassaqaqanngillat, pingaartumik ilumut amerliartortoqarnerisq, taamaattoqarsimappallu qanoq annertutiginersoq iluamik paasisaqarfigisimatinnagu.

Inussiarnersumik inuulluaqqusillunga


Martha Abelsen



14-11-2018

Inatsisartut Suleriaasianni § 37 imm. 1 naapertorlugu Naalackersuisunut apeqquutit imaattut matumuuna saqqummiuppakka:

Naalackersuisunut apeqquutit:

- 1. Naalackersuisut oqaatigisinnaanerlugu inuit tarnikkut nappaatillit pinerluttuortarnerat alliarternersoq? Kissaatigaara akissut kisitsisinik takussutissanik ilaqartinneqassasoq, ukiut qulit kingullit ingerlanerini kisitsisit assersuussinnaajumallugit.**
- 2. Naalackersuisut oqaatigisinnaanerlugu innunut ulorianartorsiortitsisumik pinerluttuortarnerit soorlu tarnimikkut nappaatillit tillinniartarnerat ingatsikkiartarnersoq?**
- 3. Naalackersuisut oqaatigisinnaanerlugu sooq tarnimikkut nappaatillit pinerluttarnerat taama isikkoqarnersoq?**
- 4. Suliniutit suut Naalackersuisut aallartinniarpaat tarnimikkut napparsimasut siunissami pinerluttuortarnerat pinaveersaartinniarlugu?**
- 5. Naalackersuisut pilersaarutiginerlugu tarnimikkut napparsimasut pinerluttuortartut katsorsarnissaat pillugu naalagaaffimmik suleqateqarniarlutik, siunertaralugu siunissami pinerluttuortarnerit peqqinnginnissaat?**
- 6. Naalackersuisut suliamut tunngatillugu allanik soqutiginarsinnaasunik nalunaarutissaqarpat?**
(Inatsisartunut ilaasorta q Justus Hansen, Demokraatit)

Tungavilersuut

Pinerluttuortarnerit innunut ulorianartorsiortitsisinnaasut ajoraluartumik amerliartorput. Innuttaasut sussuteqanngitsut eqqorneqartarput, sulinerminni niuertarfinni, orsussaarniarfinni allanilu assigisaanni.

Nassuiaatinut ilaasinnaavoq tarnimikkut napparsimasut pinerluttuortarnerat ikiaroortillutik aalakoortillutilluunniit imaluunniit limimik benzinamilluunniit naamaarsimanerminnik sunnerneqarsimatillutik.

Tamatuminnga pissuteqartumik sunnerneqarnerup kingunerisinnaavaa silaarunneq ajunngitsoq ajortorlu immikkoortissinnaajunnaarlugit. Tamanna ajortorujussuarmik kinguneqarsinnaavoq innunut pineqartunut aamma innuttaasunut sussuteqanngitsunut.

Tamanna tungavigalugu pingaaruteqarpoq ajornartorsiut pillugu iliuuseqarnissarput.



DEMOKRAATIT
DEMOKRATERNE

Taamaattumik apeqqutinnut akissutit ullut sulliviit nalinnaasut qulit iluanni tiginnaanut qilanaarpunga.